

一

續修四庫全書

一

《續修四庫全書》編纂委員會編

續修四庫全書

上海古籍出版社

三六八・史部・編年類

小腆紀年附考二十卷（卷十一至卷二十）

〔清〕徐鼐撰

一

大清太祖承天廣運聖德神功肇紀立極仁孝武皇帝實錄四卷

二二七

東華錄三十二卷

〔清〕蔣良騏撰

二五五

小腆紀年附考二

〔清〕徐鼐撰

據清咸豐十一年刻本
影印原書版框高一九
二毫米寬二九〇毫米

小腆紀年附攷卷第十一

前翰林院檢討加詹事府贊善銜六合徐鼎

秋七月明魯大學士張國維會師西興

江上兵每日暮食鳴鼓登陸搏戰日中復轉舵還成率爲常

徐鼎曰書大學士繫之魯何以別於南京也

癸丑我

大清兵克嘉定明在籍前左通政侯峒曾進士黃淳耀死之諸鄉兵來者漸眾李成棟遣其弟統數十騎求救於吳東

王師鄉兵截擊於倉橋街殺之幾盡脫歸者泣於途曰我等皆

高鎮勁兵隨那太太降後所過風靡嘉定縣何物擊于殺

我副將六員成棟聞弟死日夜與諸將涕泣然鄉兵本無

將領一聚即鳥獸散城上白旗招降而已成棟現得實合

婁東兵大修戰具吳志葵遣游擊蔡祥紀日嘉定得實城以

七百人來援成棟銜枚襲之祥紀鎧簡登岸步戰圍數匝

東關有徐福者往救與俱斃峒曾淳耀於城上見之慟哭

相向發大礮傷二人成棟焚新運鎮破婁塘峒曾淳耀會

鄉兵於婁塘之磚橋東不下十餘萬然擁擠紛呶如聚蚊

成棟分左右翼蹙之相陷藉死或謂大勢已去宜爲十萬

生靈計嗣曾等推案痛哭裂招降榜焚沿城民居督運磚

石七月初三日成棟盡銳來攻昇板屋穴城諸生馬元調

以糞汁灰瓶拋灌之成棟乃佯攻東門而潛自北門水竇

入復爲大石所拒不能克是夕有赤氣起北方俄變而黑

長亘天五更大雨如注守埤者不能立城大崩成棟薄東

門上峒曾與其子元演元潔猶立睥睨間呼二子去曰我

死國分也祖母在應代奉事戀我何爲趨歸拜家廟沈於

池未絕而兵至引出斬之二子亦被殺於孩兒橋淳耀與

其弟淵耀入草巷索筆書曰七月四日進士黃淳耀死此

嗚乎進不能宣力王朝退不能潔身自隱讀書寡益學道

無成耿耿不沒此心而已與淵耀分左右就縮死張錫眉

董用圓馬元調夏雲蛟唐全昌等皆同死錫眉躍入水

方自溺用圓抱其兄諸生用廣共溺屍浮出猶握手不解

錫眉字介茲崇禎庚午舉人用圓字知淵天啓辛酉舉人

雲蛟字啓霖元調全昌字未聞又有王雲程者亦貢生也

居城紀畧

明江西布政使夏萬亨分巡道王養正知府王域推官劉允

浩史夏隆通判胡繼奉益王由本起兵建昌城陷萬亨等皆

死之由本走闕

萬亨字元禮崑山舉人由教諭歷遷西華夏邑知縣宏光

帝使迎太后權江西布政使言者以爲驟改僉事分巡南

昌瑞州有保富王

南昌其舍人恣橫執而召之一府洵洵將作難居民亦譁

然欲焚王府萬亨撫定之尋遷按察使署布政司事南京

小農紀年 卷十一

主

潰奉母至撫州入建昌王義正宇聖功泗州人學廣戊辰進士由知縣歷知南康府以年盜功南都擢副使分巡建昌王城字元善學亭舉人為宿州學正以捍禦流賊功歷工部主事南都擢本部郎中出為建昌知府劉允浩宇集生掖縣人崇禎癸未進士嘗領鄉勇擊賊於萊州謁選授南昌推官史夏隆宜興人與允浩同年進士胡縝桐城人時南昌已為降將金聲桓所據士民謀拒守城曰事急矣國無主不可以集眾乃與萬亨義正等奉益王由本為號由本年少柔懦不習武事以戰守機宜委之永甯羅川兩郡王歿曰按世表永甯王由本以萬曆三十九年襲封羅川王由本以萬曆三十一年襲封而釋史云永甯王慈炎其由羅川王乃與東鄉艾命新艾南英約諸紳德之子數侯攷羅川王乃與東鄉艾命新艾南英約諸紳集義得劉琦楊獨龍僧丹竹等三十六將就南英家歃血訂盟王謝二巨室捐貲助餉練鄉兵幾及萬人分埤拒守軍勢頗振而保甯王者私與我軍通約內應演將趙印選以象兵援南都不及假道還師由本奔旗塘佛舍已遁入以火箭傷象兵遂大潰亂城陷由本奔旗塘佛舍已遁入閩永甯王走甯都萬亨等俱被執聲桓以萬亨能得民將藉以撫徇諸郡曰公從當大任萬亨書絕命詞見志聲桓不欲有害賢名乃與養正等俱械送武昌同日遇害建昌士民哀萬亨等之忠也瘞之池若河之側題曰六君子之墓而同時以諸生殉難者則南昌鄧思銘初思銘聞北都陷號召諸生百餘人習射學技擊名曰庠兵請於有司有

小農紀年 卷十一

主

司笑曰庠可兵邪與乃散既而建昌兵起乃入王城幕參贊城破被執指金聲桓大罵繫於竿首射之連及六矢思銘大吼曰經時不能殺我技何劣也遂射死徐鼎曰羅川王所招三十六將惟安仁僧丹竹為最著嘗從揭重熙襲撫州猝遇王得仁丹竹以步逐馬刃及得仁面幾獲之後金聲桓過安仁聞其病遣九騎往縛之丹竹力疾起呼所部十餘人伏於隘而單身入酒肆中金騎見其僧不知其即丹竹也因問識丹竹乎遮應曰我是也拔刀殺二人七騎者上馬馳遇伏獲其二再前再遇獲其三得歸者纔二騎耳聲桓破廣信丹竹以木椿置水中而持長槍火箭逼之聲桓兵乘舟遁舟觸椿盡碎多溺水死丹竹盡其所獲而返後率壯士邀擊師之入閩者馬驟被殺明臨川在籍前吏部主事曾亨應揭重熙起兵撫州亨應字子嘉崇禎甲戌進士重熙字祝萬崇禎丁丑進士亨應官吏部文選主事嘗以事為御史張懋爵所劾被誚歸南都立重熙由知州擢吏部考功主事而亨應以請籍獨不赴大兵既下南昌金聲桓令王得仁徇撫州亨應乃命弟和應奉父入閩已與重熙暨友南英募兵守禦未集而陷已薄城下眾皆散明在籍左春坊左庶子楊廷麟左山允劉同升起兵贛州擢

廷麟吏部右侍郎同升國子監祭酒

廷麟字伯祥清江人舉崇禎辛未進士改庶吉士授編修同升字晉卿吉水人舉丁丑進士第一授修撰爲楊嗣昌所構將逮治旋獄釋言者交薦十六年秋復授職方主事同升亦以劾嗣昌謫福建按察司知事未赴北都陷同升馳檄十三郡興義師廷麟遇之南昌乃大集澹臺祠爲思宗發喪誓師起義宏光帝立廷麟以左庶子召同升以左中允召未赴宗室朱統鑽之誣劾姜曰廣也廷麟招健兒有不軌謀曰廣爲內應宏光帝置不問而所募兵竟以散去

大清兵既克南昌袁州臨江吉安相繼下已又取建昌惟贛州

小腆紀年

卷十一

十一

孤懸上游獨存廷麟乃與同升謀邀贛撫李永茂集紳士於明倫堂勸輸兵餉刻期大舉王手詔嘉獎招廷麟吏部右侍郎同升國子監祭酒

明龍泉在籍工部右侍郎劉士楨起兵復泰和廬陵

士楨克二邑守之明年吉安復陷遣四子肇履人闕求援而令季子穉升從李陳玉起兵信爲贛州聲援贛破辭之南田

前前汜水知縣胡定海起兵德興敗績死之

定海一作海定南昌舉人官汜水知縣致仕歸貧甚授徒德興海口之董氏董亦義俠也破家起兵金川定海爲之聯絡鄉勇洎

王師取婺源金川兵絕我糧道乘

王師之退攻婺源殺我長吏聞

王師將進討徒步乞師於黃道周比歸海口已有兵戰收被執論殺首既殊而屍僵立不仆同死者爲揭新不知何許人明德化 李含初起兵復德化瑞昌尋敗死

含初傾家起兵服山連破德化瑞昌

王師未退致討也未幾所部王拐子私款於九江守將余世忠襲服山含初遇害同死者生員李映陽武生唐屏鄧士鳳熊九鼎宗麻子五人

明德安 郭賢操起兵復德安遂復建昌尋被執

賢操連破建昌而所部高長子私款於我執賢操以獻當

小腆紀年

卷十一

十一

事者方議撫釋勿殺明年四月集衆圖再舉我師偵得環其廬焚之獨賢操跳而逸戊子金王之亂復投袂起爲我九江守將所執殺之子七人次良錫與從子良銓攻建昌時中流失矢死三良鐸從島兵營戰死同起兵死者德安諸生桂登魁胡戒登魁姜胡氏殉之

明瀘溪知縣張載述貢生魏一柱起兵拒守

王師下瀘溪以李光碧縣事一柱縛光送鄭彩礫之與舊知縣張載述畫策守瀘敗

王師於密潭

臣竊曰同時樂平倪氏兄弟吉水王寵鄉氏叔姪事皆可傳附志之倪大顯者與兄大恢大登俱以勇力聞饒州推

官周損幣致之損敗歸督師黃道周道周敗從廣信曹大
錦王得仁之居樂平也軍中聞大顯勇爭致之有僧長八
尺餘下馬搏大顯大顯斫僧應手頭落已圍者數重度不
支抽刀自刎死大恢大登被執皆死王寵鄒文鼎與從子
敬皆吉水人寵從劉同升起兵往來臨吉撫贛間一日爲
王師所獲寵詭降越日盡殺其伴卽載其旗幟以行過新淦峽
江令見旗幟以爲本兵也出迎江許龍遽起擒殺之連破
二縣已而文鼎敬起兵寵與之合戰敗文鼎赴水死敬被
執見殺寵復走脫樹一幟大書追勦王寵四字呼殺賊而
去去既遠

王師始知其卽寵也後金王歸明逼招之不得寵已入山死矣

小曆紀年 卷十一

辛未明吏部尙書兼兵部尙書武英殿大學士黃道周募兵
江西以圖恢復

廷臣曰請出關而鄭芝龍輒以餉絀爲辭會賜宴大臣芝
龍自以侯爵欲位首輔上黃道周爭以祖制武職無班文
臣右者終先道周由是文武不睦有諸生上書詆道周迂
不可居相位王知出芝龍意下督學御史撻之道周見芝
龍無經畧志謂坐而待亡不如身自出關奏請以師相募
兵江西多臣門生故吏必有肯効死力者且可連楊廷麟
何騰蛟爲進取計遂率門生中書蔡春溶賴繼證陳駿音
兵部主事趙士超趙利毛至滌並子弟可千人以行有糧
鋤棘矜以隨其後者名扁擔兵實不可應敵大芋源賦責

射詩曰天地何高深日月猶循環星南陳其領動靜匪無
端舉翼不能翔而作醯雞觀大命一以至不能復研鑽鬼
神欲告之翁吸近告難傷哉草木預不得留朱顏至延平
請餉芝龍斬之王不得已給空劄數百道道周親書劄付
獎語得之者榮於誥敕又得百人
文曰欽命直省招征事宜聯絡恢復兩京少保兼太子太
師吏部尙書兼兵部尙書武英殿大學士黃道周出師討其
閩部行師貴簡練明靜務要十五人爲伍一人挑帶糧食
兵器一人挑帶藥具一人挑帶輜重八十人爲一隊游擊
城守遊擊重者輕騎輕者重者相凡參相約一百八十人
員兩游擊屬一參相凡參相約一百八十人爲一隊游擊
六百五十人承相精壯曉暢動遵法令參相二員兵士三
事務大小相承相精壯曉暢動遵法令參相二員兵士三
風雲雷雨虎豹熊羆龍象爲號每號填補參相一員游擊
二員兵士三百六十人准得洪京榜合補參相一員游擊
等陣士務要整齊肅辦不得參差違失查照失伍及違令
者斬敵不獲俟功成日一體題請封賞此劄

小曆紀年 卷十一

年拾月拾伍日給又另行親筆硃書曰洪京榜久蒙
屢領英茅近以勸進加恩准其行共國敵向東
山雨雪晴其在樓板屋溫如何能不思已終前業功成陞陞
舍人仍著兼監紀推官前去招募以終前業功成陞陞
爾衣袍餉付試中書舍人洪京榜龍溪縣學廩生金城營
攜之至京屬同人題跋非特聖寶存此見當日軍中法令
概進師建甯遣通楊廷麟萬元吉爲聲勢尋有以外交諸
藩飛語聞者王遣使馳示道周自陳疏曰臣田無一畝居
止一椽幸以是見憫於主上見信於親友然不能以是見
諒於大家豺狼臣行年六十無險心詭語爲凶人所仇無
奇功異能爲要人所嫉獨特一片肝腸爲高皇列宗與天
下黎獻共對白日耳臣雖庸下遭逢陛下魚水相期一月
之內四疏乞師至若子弟募義勤王雖天性使然亦恐臣
孤身隻手陷身絕域每一相見涕泗連如題因海峽未收

毒水四下臣兵自延過甯而谷飲病者八九一日下操
十隊之士呼半不起遂損去健將陳伯與念其雄畧十射
九破千劬之力盡於盆水四顧環堵何能不哀今稍平復
遂相對勸臣出關嗚乎此亦臣子也願曾受朝廷之寵眷
而掩憤至此今在廷諸臣不滌腸剖胸誓同分貽共薪而
渝渝誠詆望影射沙欲何爲者陛下不屑爲昭烈臣亦不
屑爲孔明陛下不屑爲宋高宗臣亦不屑爲李伯紀取法
不高則庸佞狎來視人太卑則奸豪四至古今讒賊偏中
於高明近代人才沈淪於苟賤惟陛下垂鑒王覽表手割
慰之遂出崇安分水關甯化諸生李世熊上書道周曰竊
惟國運絕續之交天人傾定之際賴祖宗神靈名世挺生

小腆紀年 卷十一

雖創丕基如立冰上內則百寮瞻其風裁外則敵仇覘其
舉措下則草澤英雄察其氣勢以赴風雲夫以師相聞望
之隆天地祖宗付託之重意必啓沃德心定謀帷幄俟規
模粗定然後聲聞不庭耳乃頓徹坐論之席鑿內秉鉞而
出遠近聳愕以爲廟算宏深非可臆測不肖則主事之人
耳兒不出里巷就里巷事例之譬故家新破田宅半割於
巨豪區區別宅僅存者苟且盤據垣鼎之繆綱未盡固義
從之服役未盡力水旱之儲蓄未盡裕爲家督者置此不
問愾然與巨豪叛族詰責侵沒之餘產不亦輕遽失序乎
幼讀書見諸葛亮自比管樂仲學術備見管子書勿論若
棄殺則亦謹慎好謀之人而已其爲燕圖齊不敢圖齊也

必曰與天下圖之且不敢曰與天下圖之必曰徑於結趙
又不欲恃趙而別使楚魏以淮宋地委之於是五國合而
齊舉矣其慎密也如是若諸葛之出師亦未敢出師也必
曰南方已定甲兵已足乃獎帥三軍北定中原卽如是又
必付託得人宮中之事悉咨郭攸之費禪董允等謂必能
神補闕漏也營中之事悉咨向寵謂必能和穆行陣也將
相分任官府肅固諸葛乃可拜表行矣先生之旗指江右
而殺不返顧也宮中有郭費董否營中有向寵否外有趙
魏韓楚之夾助否若不然者直若家督諉見在之貲產不
治而先責問未必可復之貲產也夫人之敢於作逆據主
人之貲產而公然與爲抗且眈眈欲併主人之餘貲而得

小腆紀年 卷十一

之彼亦自有作逆之才具氣勢也家督誠欲一朝剪除之
非才具氣勢倍於作逆者不勝乃今所聞大可異也先生
之行也召募市人纔三千耳餉不給於國帑而資於門生
故友之捐助此一時之義激慷慨耳朝廷纔給空名劄百
十道以爲行餼兵事歲月未可解義助能歲月例輸平空
劄可當衣食易死命乎就令士馬飽騰人人致命三千未
教之卒可枝拄諸道分進數十萬方張之寇乎今夫尋丈
之艇八翼之楫雖有狂飈怒濤每凌而渡之嘗試置滄溟
之濱洪洞如山浪及而艇化漚沫矣長河之決也摧城郭
蕩山陵呼吸改天日僅僅投壁馬負石束薪祈禱而闕之
庸有濟乎或且積精誠稱天命簪笏鞠躬以身試其衝委

命而戰河伯則近愚矣設若有濟則是宋襄之仁義誠有
效而孝經之退賊果可必也徐夫人匕首以試人血濡獲
立死若以薄擊柱石非折則缺可立見矣古之猛鷲莫如
秦善用兵莫如王翦其破楚也必六十萬以至仁伐至不
仁莫如周武與商辛周師之興車三百兩虎賁三千人
古者一車之卒百計人當三萬矣千百夫之長不在是而
尙有友邦冢君庸蜀羌髻微盧彭濮人爲羽翼其用衆如
此今敵衆數十萬氣勢非但楚也而吾不及周師者十之
一謂永勝閭總之師足策應乎魯國吉慶之師可牽掣乎
是數者非同心同德難語於羌髻微濮人不待智者決也
徒以孑然一軍欲爲王翦自尙周武所不能爲之事此天

小廉紀年

卷十一

七

下所共惑矣今天閭關之外皆豺狼所曾蹂踐而榛蕪之
區也誓師出關事有進而無退苟進無破竹之勢退安所
得磐石之基不幾進退無據乎則何不暫駐關內近爲永
勝閭總之綰轂遠爲魯國吉慶之表層既可招募建撫流
散之兵訓練以實行伍亦可收拾附近荒蕪之地耕屯以
充行餉信使往來諸軍如指臂並運急緩相需庶幾氣勢
完整合力以攻所必爭乎此固尋常所共及或秘畧不必
出此則不敢知若謂明德雖衰天命未改名世聲靈久破
遐隔人心之思漢可用至誠之動物有徵或不戰而屈或
因噫而降亦古來萬或一有之事斯固愚蒙所未能信而
先生亦決不遽此倖也

敬曰見李世
熊寒文集

徐鼎曰特書之卽書史可法治兵揚州以圖中原之例也
然則道周之出師無可議乎當日天下大勢千去八九爲
閩疆君臣者惟有保境息民繕兵積穀聯絡楚豫江上之
師以觀變而動庶乎其有當也而乃以新募不教之兵當
百戰百勝之敵驅羣羊而鬪猛虎槍枋雀以逐蒼鷹慮材
而言不亡何待況乎文武不和糧餉不給參商訐於朝右
庚癸呼於首山其於安內攘外先後緩急之序又倒置焉
然則何嘉乎爾天命已去人謀胡臧知其不可爲而爲之
是武鄉信國之所以盡臣節也嘉其志悲其遇固不必苛
其才與功哉三復李生書眞先生之誨友也

我

小廉紀年

卷十一

七

大清兵克華陽山寨明前山東巡撫邱祖德等死之

王師破山寨獲祖德父子送南京不屈磔死事聞贈太子太師

吏部尙書

我

大清兵克稽亭山寨明諸生麻三衡等死之

三衡被獲賦絕命詩殺於南京吳太平等七家皆死

明封宗室盛懃爲瑞昌王授都司方明等官有差

屯田都司方明字開之起兵據廣德迎盛懃入其軍號召
義旅連破孝豐臨安甯國等縣聲勢頗振事聞封盛懃爲
瑞昌王授明等官有差無何降將張天祿自徽州還師明
不能禦棄營走浙東有潘文煥者鎮江人匿瑞昌王於茅

山民舍其部曲喜正赴京口置弓矢事覺遂殺瑞昌王東華錄載是年八月洪承畴奏擒瑞昌王文煥見喜正切齒罵曰吾死何足惜王能一日存則人心未散景子乃壞

吾大計奮然批其頰其子哭文煥曰我死忠汝死孝傳之後世有頌述焉不然一老氓也誰復知械至金陵不屈死

一女亦不食死明還長與爲防將郭虎所執一小卒指之曰此方明也遂斬之改日此於月日無

是月獻賊屠明成都龍安兩府屬州縣

賊與僞相汪兆麟謀遣馬元利張能奇等分勦成都所屬州邑兵到處有烟火者將吏必斬其偏裨或不忍行刑多自經於路有一縣人先期聞之向酒家索醉死酒家一

小腆紀年卷十一

日累千金初大喜繼又大慟皆父手委股以就割刺無或免者

獻賊遣其黨屠明邛州

劉文秀復至邛取遺民萬餘家悉屠之又殺僧道千人於是行盡剿法立搜山望烟等頭目匿崖谷者火薰之邛蒲二百里蕩爲血肉之場

獻賊遣其黨屠明丹棱

文秀踞丹棱署驅城中人於西門外濟橋殺之屍與橋平又遣兵搜鄉以長繩聯絡男婦每數十爲一羣擁至江陵廟爲是刻北門山爲教場操兵三月而去

獻賊遣其黨入明洪雅義民余飛破之於花溪

庠生祝鏐之子婦楊氏二陳氏宿氏王氏及少女祝氏避亂山中爲賊所劫六氏拜別父母俱投水死花溪去縣四十里背枕飛仙關面阻青衣水飛伏壯士數百人於山谷而以羸弱誘之賊遂入隘中伏發不得出截殺幾二千人賊大沮喪沿江遁

明千總周鼎昌大破獻賊於南安鎮

賊由青衣江下來江攻南安鎮邑人周鼎昌以千總奉閩部王應熊檄率衆拒守豎木爲城賊攻不下因作浮橋爲長圍計鼎昌令善泅者潛水中腰鑲斷橋賊沈水中餘賊反奔南岸鼎昌麾之賊大敗盡喪所掠奔還成都

獻賊大殺成都居民

小腆紀年卷十一

賊惡蜀人之叛已也詐其衆曰有天書夜墜庭中上帝命勦絕蜀人違者譴不細因聯百姓十人爲一縛繫至中園盡殺之太醫院有舊製銅人賊以楮纂其關竅召諸醫賊之一穴差者立死太慈寺僧近千人因藏一宗室閤寺俱斬一日驅人至成都東門外洪順橋方舉刃迅雷雷擊者三獻忠怒指天詬曰爾放我下界殺人乃以雷嚇我邪磔還學者三是日屍骸激水橋爲之折

八月乙酉明頒祖訓於廷臣

頒祖訓五十七條於閣部科道大學士林欲輯率諸臣表謝

明鄭芝龍陳歐守事宜

時文武濟濟然兵餉戰守機宜俱乏龍爲政集廷臣議戰守自仙霞關外宜守者百七十處應設守若干其戰兵以今冬簡練明春出關一出浙東一出江右計兵二十餘萬合閩粵餉不支一年乃請於兩稅正供內米一石預借銀一兩令羣臣捐俸紳士輸助察州縣歷年積穀銀兩未解者悉催赴行在官吏督徵急迫閭里騷然從戶部侍郎李長蘅之請廣開事例於是廩養隸卒皆得給劄授官其黠者軒蓋僕役鞭撻里鄰晉江令金某嘗在訟兩造稱官職立而語不服則互毆於庭時謠曰敵兵如蟹遲遲其來識者知其必敗也

明靖江王亨嘉僭號於桂林執廣西巡撫瞿式耜幽之

小曆紀年 卷十一

三

靖江王者太祖嫡兄南昌王興隆之裔也攷日本明史世畧以爲太祖甥朱文正裔大謬興隆子文正表諸王列傳南從太祖有功未封卒其子守謙始封靖江王亨嘉以庶子襲封其嫡嗣僭宗人疏訐之歷天啓崇禎兩朝獄未具亨嘉厚路朝貴以故輒直亨嘉而下訐者於獄宏光元年二月亨嘉表賀登極因劾奏永金連三州皆爲土賊所據撫按匿不以聞及南都失守亨嘉遂暉神署以其黨總兵楊國威爲大將軍推官顧奕爲吏科給事中推督僚佐有差檄廣西左右江四十五洞土狼標勇自稱監國隆武詔至不受舉兵將東撫臣瞿式耜之任抵梧州移書責之曰兩京繼覆大統懸於一髮豪傑睥睨逐鹿閭閻既頌何可自與內難爲漁人利殺書總制丁魁楚爲之備而陰懷思

恩參將陳邦傳防梧止狼兵勿應亨嘉調亨嘉至梧謁者促式耜入朝式耜曰王也而朝禮也謁者曰易朝服式耜曰王烏用朝服以常服禮也一日迂式耜語挾之登小艇指揮曹斗持刀加頸索勅印拽過數舟數仆數起式耜坐稍定曰敕印可刀求邪我開府重臣若欲爲帝會廬陸之漁戶不若矣亨嘉既不獲敕印而魁楚兵且至乃挾式耜上桂林塞其館實不令見人至則閉之王邸式耜日凝坐不與邸人語進之食亦不食初式耜知亨嘉之必亂也遣標官徐高察動靜高幼子得出入宮中進餽粥焉高於永歷四年殉桂林之難

明吳易孫兆奎討浙寇李九成誅之

小曆紀年 卷十一

未

浙東人李九成者假名建義以戰艦千艘宵雷劫掠兆奎與易密謀殲之僞爲結好以弛其備約期兩軍合營或以大敵方強不宜自翦羽翼兆奎曰不然今日之事正如寸刃割鯨空拳搏虎所恃以號令人衆者惟此區區之信義耳若縱彼焚掠則所在之民誰非寇仇是敵未至而先自敗矣八月七日遣驍將許某統十三艘往討先有黑氣如長堤直撲李營而隕北風大起塵埃漲天未幾復大霧咫尺不相覩李營之衆以爲吳軍來合營也俄而破聲大起兵四集遂大潰九成就縛斬之所俘婦女皆遣還時起事諸人多驕暴爲民害惟易兆奎整戎卒戒侵掠衆頗效命

降將李成棟以我

天清兵克松江明在籍兵部右侍郎沈猶龍等死之

初吳淞水師提督吳志葵自海入江總兵黃蜚亦擁千艘由無錫來會共結水寨放泖湖與城中相犄角是月初旬

王師以輕舟截春申浦大戰乘風縱火烟焰蔽天二將舟重不能運水師多死皆被執降紳董廷對謀內應事覺郡人殲

之已有假黃蜚兵號者突至猶龍以為信開門納之有紅

巾抹首隨之入俄而巾脫皆髮辨也眾驚呼曰城破矣守

兵皆潰猶龍出東門中流矢死於濠李待問死於織染局

初待問夢袍服間有字曰天孫織錦以為中翰兆也至是

竟驗章簡守南門不屈死同時殉難者華亭教諭賈明永

小腆紀年

卷十一

王

丹陽人題詩明倫堂自縊死郡人尙寶司丞徐念祖及妻

張氏妾陸氏李氏俱投縊死衣工陸厚元積薪於門語其

妻曰能完節乎曰能厚元舉火與妻子女皆焚死有舉人

傅凝之者參志蔡軍春申浦之敗與諸生戴泓赴水死

庚寅明命肅鹵伯黃斌卿鎮舟山

舟山四面皆海昔越王句踐欲居夫差於甬東卽其地也

元爲昌國州明併入甯波之定海縣設參將一員以鎮之

崇禎間黃斌卿爲其地參將斌卿號虎癡福建興化衛人

少隨其父於京邸流落不能歸有妓劉氏助之費得以恩

例授把總自參將陞江北總兵南都亡遁歸閩閩中立附

表勸進並言舟山爲海外巨鎮番舶往來饒魚鹽之利西

達越郡北繞長江進取之地也王善之封爲肅鹵伯賜劍印屯舟山得便宜行事

徐鼎曰特書之爲舟山立國張本也

壬辰明冊妃曾氏爲皇后

妃南陽人諸生曾文彥女崇禎五年王襲位年已三十有

一妃年十九選入宮頗知書禮任內政王安置鳳陽高牆

中奄人不得賄以石墩鎖之病瀕死妃恐醫藥有詐禱於

天自剗股肉進之王愈後始聞遂更相憐愛南都覆妃勸

王爲自立計至是冊爲后封文彥爲吉水伯命婦入朝於

太和殿僉有所資妃頗與外政章奏多所參駁王臨朝則

垂簾共聽斷都御史張肯堂曰本朝高文二后皆有聖德

小腆紀年

卷十一

太

助成王業然皆宮闈之中默相贊助垂簾則非聖世所宜

妃大志肯堂以是見疏疏曰按命婦朝於太和殿非違冊

宮何外也南畧又謂后至大典工役則請妃以十月迎入

屬用黃金開織造府后下體皆織龍鳳云云

癸巳明郊祀上帝於南郊鄭芝龍鄭鴻逵稱疾不從戶部尙

書何楷劾之

楷言禮莫大於郊二勳臣不陪祀無人臣禮宜正其辜王

獎其風節命掌都察院事已而鴻逵揮扇矜上楷呵止之

自知不爲二鄭所容請告去中途遇盜截一耳或曰芝龍

部將楊耿爲之也後漳州破楷抑鬱卒所著有周易訂詁

他說經書不傳明行保甲法於天興府

明定錦衣衛軍制

設中前後左右五所每百戶為一威所入威所為一禁軍
明鄭鴻達引兵出浙東鄭彩引兵出江西尋引還

芝龍知眾論不平不出關無以弭眾乃請以鴻達為大元

帥率周鶴芝張明振楊濟時陳秀郭曦陳霸鄭陞等領兵

諸葛倬等為監軍道出仙霞關向嚴衛以應張國維方國

安浙東之師以彩為副元帥率施天福鄭聯鄭斌張進朱

壽劉全江美鼇等領兵張家玉為監軍道出五福杉關以

合江撫楊廷麟楚撫何騰蛟之師既出關託候餉王檄催

孔亟不應鴻達慮有上書言事者嚴禁仙霞關儒生出入

彩行百里而還稱餉缺留如故

攻日臺灣外紀云陳秀海澄人後獻仙霞關投誠討

王功伯陳霸南安石井人入粵東投誠討忠勇侯

明魯張國維復於潛

國維既連克富陽於潛樹木城於徽江要害聯合國安及

王之仁鄭遵謙能汝霖錢肅樂諸營為持久計疏請於科

王曰剋期會戰則彼出此入我有休番之逸而攻堅擄虛

人無接應之暇此為勝算必聯諸帥之心為一心然後使

人人之功罪視為一人之功罪監國賜上方劍總統諸軍

明監國魯王以田仰為東閣大學士

仰從海道至浙東乃有是命

明監國魯王賜行人張煌言進士加翰林院編修典制誥

煌言字元箸號蒼水鄞縣人崇禎壬午舉於鄉父圭章刑

部員外郎母趙氏感異薨生神骨清頰豪邁不羈能文章
善騎射崇禎帝以天下多故令諸生於試經義後試射三
發三中錢肅樂檄會諸鄉老煌言獨先至肅樂且喜且泣
遣之台州迎魯王授行人至是賜進士加編修典制誥
徐鼎曰煌言圖存危難之間孤忠偉績有光浙東者也故
書以嘉之

我

大清兵克峽江明守將鄧武泰死之進克袁州同知攝府事李
時興死之

武泰初與白之裔扼峽江以防袁吉我前營將劉一鵬來

攻之裔叛降武泰死之乘勝薄袁州守臣李時興福清舉

人由知縣歷袁州同知攝行府事與士民悉力拒守已而

守將蒲縷戰潰湖廣援兵黃朝宣等亦謀歸知事不可為

乃自縊於萍鄉官舍一僕殉之

我

大清兵取吉安遂取萬安殺明巡撫曠昭知縣梁于湊死之

王師由吉安長驅入萬安昭被執不屈死

于湊被執繫南昌獄者五十有三日聲桓欲官之客有來

賀者于湊曰死我者可賀而不可弔官我者可弔而不可

賀死者形立官者神滅吾豈以神易形哉九月十三日作

絕命詞自縊死于湊字飲先江都人崇禎癸未進士

史按崇禎五十三日以九月十三日死計城陷當在七月

中何也而明史則云八月朔將白之裔入萬安江西巡撫

史按崇禎五十三日以九月十三日死計城陷當在七月

曠昭被執于溪
死之疑有誤

臣肅曰昭亦抗節者何以別白書之死者死所守也昭不能死於省城之亡既奔臨江萬安又不聞起兵抗拒身被俘囚君子以為失所守矣巡撫知縣官有大小而責任亦隨之烏乎同

明吏部主事曾亨應被執於臨川不屈死之

亨應起兵應益藩及潰而匿於臨川汀贛之間有峒賊蕭陞間總者自分四營其前左營最強張安者左營之一也驍勇善戰有歸正意永甯王自甯都出招之先一日蕭間夢紅日臨其門翌日而永甯至以為吉徵合兵出湖東復建昌乘勝拔撫州進賢屢戰皆捷是時羅川王亦與艾命

小腆紀年

卷十一

辛丑我

新招軍貴東安仁間有衆數萬永甯王以峒兵與之合寓書亨應請為東道主亨應喜募卒數百與相犄角一日方置酒宴客王得仁偵知之潛從祝家渡濟師倉卒不支亨應走避石室從弟某恨其賈禍指穴出之遂與長子筠俱被執得仁解其縛揖之曰公義士也時不可為盍隨世以就功名乎亨應不答搗數十詢之如前懸諸樹間射之終不屈遂被戮筠亦死之家族罹刃者二十人部下駢死三百人村里為墟弟和應既奉父入福州州失避之肇慶肇慶失乃拜辭其父投井死同邑舉人王爭乾諸生湯仲發皆以舉兵事露受刑最酷仲發顯祖孫也後峒兵與羅川王兵圍羅川王中流矢死永甯王亦以糧絕棄進賢之撫

州復之建昌得仁追獲殺之

明把總吳之蕃起兵謀復嘉定不克死之

初李成棟至吳淞武舉馮嘉猷獻遠近地形圖及攻圍守禦之法成棟以嘉猷署吳淞總鎮事陸營把總吳之蕃首父斗南於崇禎時以討流賊死之蕃嘗自謂忠孝之門聞部下百戶降怒曰奴輩皆世職降何易也俟大明兵得汝定鑿汝筋抽汝骨也於是月十六日起兵至吳項橋登岸嘉猷謂老營兵曰汝曹聞之蕃前日語邪猝有不利我與汝皆碎首矣遣人焚之蕃舟之蕃衆多烏合見火起遂潰殺數人不能定呼天哭曰我父子並死王事分也所恨心力殫盡得起義師未戰而潰我目不瞑矣挺槍欲赴闕居

小腆紀年

卷十一

辛丑我

民汪三者誘之同行推墮水遂被擒嘉猷陳鼓吹羊酒犒得勝軍縛之蕃罵曰汝吳淞牧兒何敢作此事之蕃大笑曰我朝廷世臣父子忠節汝曹逆賊狗彘所不食何敢以面目向人遂被殺

汝曰本嘉定屠城紀略

辛丑我

大清兵克江陰明典史閻應元陳明遇等死之

應元偉軀幹性嚴毅號令明肅犯者不少貸然輕財與中賞輒逾格傷者親為裹創死則酌酒哭之明遇以寬厚稱毀家徇義善撫循往往流涕相勞苦士故樂為之死李成棟既破松江率所部十四萬至驅降將吳志葵黃蜚至城下陳說利害應元罵曰敗軍之將被擒不逮死吳喋喋為

會中秋給軍民賞月錢分曹攜具登城痛飲許用德製樂府五更轉曲使善謠者曼聲歌之其聲淒婉北兵聞之皆泣下既知城中無降意攻益急礮聲徹晝夜應元慷慨登埤意氣自若是日大雨如注日中有紅光一縷起土橋直射城西城遂陷應元巷戰所當披靡投河不死遂被執劉良佐持之泣應元曰死耳何泣為見良佐勤不跪一卒槍刺之脛折踏地擁入棲霞禪院夜半僧開大聲呼速斫我者再已乃寂明遇搏戰被殺手握刀僵立不仆用德於前數日驅妻子盡室焚死訓導金壇馮厚敦字培卿自縊於明倫堂妻王氏與其孀妹結社投水死邑人兵部主事沈鼎科字鉅臣崇禎辛未進士自縊死中書舍人戚勳字伯屏

小腆紀年

卷十一

三

視妻女子婦投繯畢北面再拜自焚死流寓則武進舉人夏維新諸生呂九韶王華皆自勿死踰月有歸者不知何許人入城自擲死凡攻守八十一日竟無一人降者而大兵之死者亦七萬五千有奇閩中間報王泣曰吾家子孫遇江陰人雖三尺童子亦當加敬也城中屍骸枕藉街巷池井皆滿薰臭不可近有一女子題詩城牆曰寄語行人休掩鼻活人不及死人香

故曰黃曉郭子湘諸人記江陰城六萬七千名王騎將不與焉至今邑人相傳有三王八將告死城下之語考是時南征貝勒一為勒克托澤一為博托一為貝子屯齊後皆立功開楚北剿大同進封順承郡王端重親王其餘劉良佐李成棟以下無一死於江陰城下之人若吳漢王事知定南王敬謹親王之死楚粵則皆延奕世載在史傳何得佚其姓氏文士鋪張快其筆舌盡信武成之策遂成演義之謠今並附之女子題詩見袁牧隨園詩話

我

天清兵克金山衛明指揮侯承祖死之

承祖字懷玉世襲金山衛指揮之職松江兵起以兵往願襄事吳志葵忌之阻其謀承祖悲曰然則府城聽之總戎承祖以金山為存亡耳遂拂袖歸與子世祿治兵嚴禦未幾松江破

王師進攻金山承祖坐睥睨間親冒矢石綠城上者手刃之屢進屢卻久不能拔既而李成棟克江陰還師來助有內應者啓水門以入承祖率世祿親兵巷戰身受四十矢力盡被獲罵成棟不絕口見殺世祿亦被執說之降曰吾家自始祖以開國勲子孫不替世祿二百八十年今日不當一

小腆紀年

卷十一

三

死報國哉至文廟前曰此吾死所再拜飲刀死

故曰明史諸書皆云侯承祖無異詞後閩陳延敬午亭文集廖氏傳云德慶侯廖永忠之孫銘鏞以事戍金山子孫世襲指揮千戶末年有某僮清兵南伐堅守不下藉屍與城樓等兵乃躍上猶手格數人與其長子某皆自刎死所敘事迹畧同而名不著按世祿云吾家自始祖以開國勲云云明史閩國功臣無侯姓人當是廖姓誤作侯者永忠本侯爵而誤也存之俟攷

明中書舍人盧象觀葛麟總兵毛重泰陳坦公與

天

清兵戰於太湖敗績皆死之

麟丹陽人與象觀同舉於鄉有膂力能開數石弓宏光中巡撫祁彪佳薦其才授中書舍人與鄭鴻逵協守京口上便宜十二事又請練兵江北皆不報京口破走海上佐總兵吳志葵起兵攻復青浦志葵見擒潰卒推麟為帥時郡

中王期昇奉通城王盛激立寨太湖之西山因與之合未
幾象觀亦至軍遂盛期昇性貪剽掠民苦之引

王師焚其舟期昇遁象觀危甚麟望見火光率三舟衝之手擲
長矛奮力戰所當披靡連殲百人於湖

因兵耳其名諱曰長而肥者為中書也萬箭注之麟揮矛如風
箭悉墮水乃更以火攻舟焦始自沈象觀拜其眾曰我兄
弟受國恩無以報空煩公等死有餘愧躍入水死先鋒毛
重泰陳坦公皆死之

明吳易孫兆奎敗績於長白蕩兆奎死之

我總兵李遇春率兵五十四艘自平望至白龍橋列陣三
十里易與兆奎會沈自炳自駟之軍破走之已而提督吳

小腆紀年

卷十一

壬午

勝兆敗虛象觀葛麟遂引兵追易兆奎率銳卒伏蘆葦中
襲殺我兵甚眾易眾醺酒相賀俄勝兆合四郡兵至石橋
橋斷港汊易軍無見糧營中震懼勸兆奎走海兆奎曰今
四圍皆兵海其可至乎事之不濟我將橫屍水上遂以身
許國之志豈能竄海苟活邪黎明

王師入面環攻時陰雨連旬舉礮礮不震持弓弓弦解兆奎往
來督戰自寅至午

王師益眾易兵內潰自相殺易與驍騎數人潰圍南走父承緒
妻沈及女皆投水死華京吳旦趙汝珪與自炳自駟皆戰
死一軍盡殲兆奎兵敗將走慮易妻女被辱視其赴水然
後行遂為追者所獲城至江甯見洪承疇大言曰崇禎時

有一洪承疇者先帝親祭哭之今而又一洪承疇為一人
邪兩人邪承疇曰咄爾白為一人事可耳驅出斬之

明魏國公徐宏基謀起兵不克及其子文爵皆死之

宏基字紹公中山王達之後世襲魏國公守備南京宏光

帝立預翊戴功既與馬阮忤乞休以子允爵嗣職率妻奴

投吳江袁進士世奇家避蹟焉郡紳多從之勸作匡復計

宏基樹幟募鄉勇千數百人按戶出貲助餉有陸醇儒者

雄於財其弟某偕客過莊舍宏基邀致之抑之跪勸之書

餉某堅弗承繫諸暗廠困苦之客脫歸以告醇儒時總兵

黃蜚潰降部將田勝嘉收餘眾出沒湖湖間專事剽掠醇

儒具厚幣乞援復糾亡命三百人乘夜發難登世奇屋劫

小腆紀年

卷十一

壬午

其弟出乃集眾進攻袁徐兩姓家屬及避兵諸紳悉被戮
而沈屍於湖宏基挺矛奪門出投分湖葉氏葉懼禍縛而
致諸陸陸趣軍士叢槍斃之其子文爵年十五登屋發三
矢婦三人被執亦叢箭死後承恩帝聞宏基之倡義被害
也賜諡壯武爵嗣蓋誤以乞休為卒考中則諡為南都事
又誤以襲爵之允爵為文爵也文爵時方年十五
宏基豈能乞休令嗣職乎允爵降於南都亡時
明總兵李某任源遂吳福之徐安遠兵潰皆死之

吳易既敗源遂軍亦潰李某自刎死源遂被執至溧陽官
命之跪源遂曰若非明臣邪見我不愧死而欲屈我乎曰
子年少姑待之源遂曰汝惟有待收至此我何待速死耳
福之書絕命辭於衣襟間投湖死安遠亦以不屈被殺妻